

# **RASA SYUKUR & TERIMA KASIH SEBAGAI BUDAYA KERJA**

Mempunyai pekerjaan adalah satu anugerah yang patut disyukuri. Tidak semua orang boleh mendapat pekerjaan dengan gaji tetap bulanan. Ramai orang berharap dan berdoa agar mendapat pekerjaan dengan gaji tetap. Walau bagaimanapun, kita semua tahu bahawa bilangan pekerjaan di sektor swasta dan di sektor awam adalah terhad, bilangan orang yang mencari kerja adalah sangat besar sehingga terdapat persaingan sengit untuk mendapatkan pekerjaan dengan gaji tetap.

Jadi, bukankah kita patut bersyukur dan berterima kasih di atas pekerjaan yang kita miliki?

## **Ciri-Ciri Pekerja yang Bersyukur:**

- Bersyukur kepada Tuhan di atas nikmat kerja yang disandang.
- Bekerja dengan penuh tekun, sabar dan bekerja dengan semangat berpasukan.
- Menerima nasihat, teguran dan tunjuk ajar dengan hati yang terbuka.
- Patuh kepada peraturan dan arahan.
- Sanggup berkorban masa dan tenaga untuk menjayakan sesuatu tugas.
- Mementingkan kepentingan organisasi dari kepentingan peribadi.
- Menganggap kerja adalah sebagai satu ibadah.

## **Kebaikan Budaya Bersyukur & Terima Kasih:**

- Budaya bersyukur dan berterima kasih di tempat kerja meningkatkan produktiviti dan prestasi.
- Orang yang bersyukur sentiasa sedar dan bersemangat untuk bekerja tanpa mengira dan sentiasa memberi lebih daripada yang diharapkan.
- Bersyukur meningkatkan "mood" menjadi lebih positif.
- Rasa syukur dan terima kasih menjadikan hidup anda sentiasa sihat dari segi fizikal, mental, dan rohani.
- Rasa syukur dan terima kasih adalah ubat anti-tekanan yang paling berkuasa, supaya hidup anda mempunyai daya tahan mental yang lebih kuat.
- Memupuk rasa syukur dan terima kasih di tempat kerja bermakna menghapuskan budaya negatif seperti malas, iri hati, hasad dengki dan kurang rasa tanggungjawab di tempat kerja.

- Budaya bersyukur di tempat kerja akan menyalurkan tenaga yang baik sehingga mewujudkan nilai-nilai murni di dalam kehidupan kerja seharian seperti budaya saling hormat-menghormati, tolong-menolong, berterima kasih, bertanggungjawab antara satu sama lain, saling memberi inspirasi dan motivasi kepada orang di sekeliling.

### **Kesimpulan:**

Apabila setiap hari anda menzahirkan rasa syukur dan terima kasih di tempat kerja, tenaga baik anda akan memberi inspirasi kepada orang di sekeliling anda untuk lebih bersemangat meningkatkan prestasi dalam menjalankan tugas. Jelas sekali, keadaan ini akan meningkatkan lagi kehebatan budaya kerja dan pada masa yang sama menggalakkan budaya kerja yang sihat di tempat kerja.

**Oleh itu, marilah kita bersama-sama membudayakan rasa syukur dan terima kasih agar ianya dapat mewujudkan persekitaran kerja yang sihat dan positif ke arah menjadikan Warga MATRADE yang Gemilang, Terbilang & Cemerlang!**

Bukan  
**BAHAGIA**  
yang menjadikan  
kita **BERSYUKUR**  
tetapi  
dengan **BERSYUKUR**  
akan menjadikan  
hidup kita **BAHAGIA**